

四庫全書

集部

欽定四庫全書

集部

欽定千叟宴詩卷三十三

侍郎臣劉躍雲覆勘

武英殿纂修原任編修臣吳裕德

欽定四庫全書

欽定千叟宴詩

乾隆五十年

卷三十三

預宴一百四人詩一百二十首

步甲

張有

年七十八

春到

九重城春莫六莢萌春人廿萬歲春樹八千榮春是

天皇世春敷壽者觥春雲凝

黼座春頌大韶聲

句用
字體

步甲

三

格

年七
十八

歲在乙巳月在寅

天子養老重巽申普錫華筵歌燕喜趨

朝鶴髮來蒲輪六幕和氣應序洽

萬年嘉慶因時新杯浮琥珀仙醴馥厨扇菱蒲玉饌珍

精鏐文綺各溢願國老庶老霑澤均受

賜拊舞況下走榮同萬景迎陽春

步甲住得年七十八

至治同翔壽寓春風先播皇州引年旁招千叟

數福嚮用九疇渥露衢尊飫澤慶霄泰策增籌維圖萬億長頌
恩覃蒞陬

步甲楊雲鵬年七十八

丹熟餐仙鼠春生獻土牛

虎闌晨四闢兔宇昨三鈎

龍宸臨華宴蛇珠

賜皓叟圖皆神馬侶祥並瑞羊儔猴臂慚雕榦鷄翹醉

碧甌老非功狗效頌愧墨猪投

十二屬體

步甲

趙

福

年七十七

春入萬年枝祥霏五色露

天心照萬物耆老蒙

恩顧濟濟三千侶欣欣

玉墀步芝英榮九光蟠木花幾度尊彝饜醴醕磬筦

聆韶獲燕歸舞康衢里諺誌榮遇

步甲

三

兒

年七
十七

海宇承平日正長者筵欣繞

御鑪香三千兒齒邀

恩渥鞠脰同擎

萬壽觴一

無事旗鉦步伐齊但傳街櫟不征輦韶春健沐者
筵後擐甲猶能射水犀二

步甲

曾孟賢

年七
十七

卷三十三
迎春春既至綏福福可迓仰見

九重恩溥入三春社臣生獨遭幸長年荷

醲化

錫宴慶扶鳩祝多願同華拜舞復無言于天豈有謝身
遊

軒頊朝松偃齡猶亞

步甲

四

兒

年七
十七

九陌光風轉千門淑氣佳河遊彰瑞籙華祝獻

天階廚簞承

恩普衢尊拜

賜皆春熙真浩蕩

壽愷洽

宸懷

步甲

依

德

年七
十七

靄靄雲輝

壽寓熙熙宴啓韶陽恒春樹滋湛露如意杖荷

崇閭鏐綺駢閨溢篚耄耆烏奕稱觴宇下久依幃載

拜

賜咸頌

洪長

步甲

葛明星

年七十六

士林喜與元辰會甲子還超絳縣年七十餘齡叨

泰養更蒙

渥澤燕鈞天一

夙昔雕弧與挽强文犀甲映綠沉槍瓊漿老挹

天恩重只為曾參貌虎行

二

步甲

二小子

年七十六

隸籍旌門下

恩頒自

九重鈞天容舞蹈小水亦朝宗苑柳舒萋細宮梅著夢

濃醪醇露滑渥率土樂

堯封

李成得

年七十六

祥雲紉縵麗佳辰
耄耄均霑

湛露新獨媿涓埃
無可效捧觴惟祝

萬年春一

壽讌初開

聖祖年我

皇繩

武啟者筵舊時擊壤
兒童隊拜舞今看鶴
髮翩二

步甲

郭進祿

年七十六

聖皇錫耆福末伍登瓊筵敬從駕班後仰覲雲輝鮮

京營隸步甲著伍有歲年擢甲者曰甲執兵曰兵然
在官乃言官粗識甲用堅善敷尚書誓有孚爾雅
箋犀甲壽百年上下旅交聯兕甲壽二百合之以
重緹合甲壽三百擊鍛益無前函人知甲壽人壽
如甲焉環營萬甲士六街扈

星躔

天威廓瀛漠

壽寓蒸垓埏頌言壽而康學頌朱綬篇

步甲

進才

年七十六

閨苑風光麗

彤墀日景高迎春開瑞英獻

壽奉仙桃虎拜趨羣隊鳩扶比列曹濃灑霑雨露小草

慶同叨

步甲

馮

山

年七十六

鳳紀司春啟翠圖

龍光壽宴

錫天厨露凝仙掌分甘醴風動瓊筵應萋蒲
化宇欽逢千載遇

鴻恩喜向八絃敷即看既醉扶鳩杖賜拜聲先益九衢

步甲

二格

年七十六

書陳風四方禮兆日五色積照人協和凝祥天耀
德躬承行伍末無知唯順則

帝洽萬年歡用廓九圍式端春啟韶風衆星拱
辰北光被擴無邊受慶榮何極

步甲

八十八

年七十六

錫宴逢殊禮官庖出

尚方由來糧糈慣重飽旨甘嘗典邁橫汾日詩歌在
鎬章好矜槐市侶先得覲

龍光

步甲

沈國良

年七十六

韶春淑靄

九霄多

釀化陶甄洽太和共慶耆筵叨異數金膏玉液滙

恩波一

幾載追隨虎旅班每依清禁覲

龍顏扶鳩韋獲陪仙宴旭日羣誇

賜錦還二

步甲

劉文亮

年七十六

韶序舒元化瓊筵啓

禁林發榮天地德安老

聖人心珍膳頒仙萐祥風叶綺琴萬方符玉燭愜樂荷
恩深

步甲

白靈阿

年七十六

殊恩錫福錫康寧廣集耆年宴廣廷旭日春風華髮侶
依

光咸得慶延齡一

久隸期門愧菲才瓊筵何幸得趨陪仰瞻

黼座歡無極願效嵩呼進

壽杯二

步甲

喜

兒

年七十六

律轉三陽斗柄東九衢春旭照瞳矐宇開

仁壽耆英集

詔許臣民拜舞同率土霑

恩榮賜黼普天稱慶效呼嵩

堯階仙英初舒六滿酌衢尊日正中

步甲

劉忠

年七十五

老向

彤墀拜

寵光擢犀舊得廁戎行清街持橐承平日喜共鳬趨奉
壽觴一

壽獻敷天率土濱不遺卑賤荷戈人舉頭紅日瞻依近

白髮親承

黼座春二

步甲

德

兒

年七十五

聖皇握寶鏡四海仰

臨照照以仁壽宇輝光無不到猗歟千叟筵未見自典

誥

熙朝盛再逢長此慶耄耄

天壽祝萬年臣名隸七校欣欣拜三爵丕際春同冒應

知黃髮儔長養遍遐隩

步甲 楊保

年七十五

東風吹暖律淑景含華滋夙齡隸戎伍濟濟參威儀銀牌鐫壽字筇杖捧福枝上天無邊春

聖人曼壽期熙和洽嘉禮醉飽摘頌詞異數浹微末抃舞拜玉卮

步甲 陳德

年七十七

共斟仙醴到蓬萊新歲初當玉琯回千載欣逢千叟會七旬纔見七籌開數天

大澤陽和扇合殿祥風嘉禮陪超距漫誇三屬甲行聯
末士上春臺

步甲

永定

年七
十五

洪鈞旋大造物物俱增年

天運日以新貞恒本自然同在光華中更邀景慶鮮漿
醴懌黃髮銀鐻溥華璫山容涵萬有海量滙百川
誰言小草微解舞春風筵

步甲

康裕德

年七
十五

久道斟元化

天心洽太和青陽綏壽愷白髮舞鬢髯韶景

恩加渥朱顏喜更酤舒長多歲月華祝共謳歌

步甲

達

塞

年七十五

引年厘

帝衷昌時樂燕衍絳甲書有差綠醕酌無算遂令什伍
士亦與三千宴步武蔚以舒筋骸強在練香沾爐
篆濃

賜捧盤珍燦

帝德徧生成萬年頌巍煥

步甲

王

大

年七
十五

大同之世集福孔多祁祁壽考湛湛

恩波雲開

金殿風鳴玉珂

萬年環祝九如載歌龐眉濟濟鶴髮皤皤涵濡

德澤洋溢春和芳壘嘉邕珍饌駢羅希韞

玉陸鞠脰

鑾坡

步甲

額爾登額

年七十五

丹地耆筵敞壺天旭景長芝英仙圃饌雲液帝臺漿

瑞獻千秋鏡

恩濃百福觴星垣瞻畢昴五老有榮光

步甲

謝

大

年七十五

錫闔宴乘春陽仰

天庀蔚有光洽卿尹逮戎行賤依步軍隊什什伍伍蒙
恩光

皇城左右翼巡警掃除職所詳中營南營暨北營以次
環列各汎防恭逢

皇帝訓武衛核隊伍實加糈糧養廉及公費不扣虛名
糧復以中營宜列

禁苑藥增置左右南北位四方巡更防察步軍事拱
翊

垣曜依榮閭廩來復鱗集計齒餐瑤漿猥以由庚歌

步甲

萬年天子壽無疆

步甲
胡得

年七
十五

九天淑氣鴻鈞轉合殿新釐霽雲展鳩扶虎拜效
山呼以齒入班無待選惟有衮衣擊柝人敢邀

渥澤承雕輦

壽宴重開萬彙熙莘莘糾糾同捧琰環海歡聲動若雷

不分貴賤躋春臺麗垣咫尺

天顏近積卒微星傍斗台

步甲

五

德

年七十五

燕以昭慈惠恭將既醉哦一篇三致意載叶九如
歌

壽寓原依斗微行亦飲和歡呼逢

國慶

澤普萬方多

步甲富

德

年七十五

於鑠

聖世百昌大備河苞海琛歸我

聖帝玉琯徧變於周天瑤圖統函乎大地

帝日乾乾不言祥瑞麟鳳是毛羣羽羣珠璧是山器澤

罷唯有人倫

樂壽光被一百五歲耆臣百九四家五世是所以揚

聖朝之鴻床軼前王之職志臣忝華筵老步甲隊不知

數花甲知歌壽康不知赤文與綠字

步甲

馬瑞茂

年七十五

玉燭調元日瓊筵

廣殿開韶陽舒燕樂耆壽慶趨陪榮附鵷鸞列

恩覃葑菲材歌詩效三祝願獻

萬年杯

步甲

劉潢

年七十五

三殿晴雲五色開長生酒進紫霞杯

恩深湛露春如海次第東風放早梅一

朶雲呈瑞露華稠尚齒筵開禮數優拜手環墀歌
既醉戎行何幸與觥籌二

步甲

僧

額

年七
十四

盛世優耆耆筵開

寵命隆

一人登上壽

萬歲效呼嵩酒泛鳩盤碧花簪鶴髮紅分年羅上下別

席序西東共飲

堯樽露咸薰

舜殿風豈惟周燕盛寧數漢儀同春勝桃增彩年祥雪

告豐時雍占太史南極拱

宸楓

步甲

七十五

年七十四

仙禁華筵曙色分春韶人瑞集懽欣

萬年共獻瑤觴碧千叟同邀玉饌芬杖

賜中朝齊就日弧占太史早書雲七旬下走叨酺讌
渥典延祺邁昔聞

步甲

宋

保

年七
十四

歲陽在乙斗柄東指羣雍集禧三元倂始

天錫曼美

聖受多祉瑞雲彌霄豐澤下被千叟來會式燕且喜
瞻國老黃髮鯢齒

錫之上尊

睿容尺咫臣忝走卒列護蘭錡細壤塵獄寸葵依祀

異數殊榮敬歌

萬禩

步甲

五

兒

年七
十四

聖華久照日升東慶洽耆筵萬福同法醞仙漿能益壽

年年歌舞播

皇風

皇家世界本如春宴

錫新韶又飲醇壽字銀牌恭捧出杖頭長帶慶煙新二

步甲

五

格

年七
十四

署名陪鶴列

錫宴觀

龍顏壽耆丹墀集

恩膏紫禁頒禮真逾洛水會詎數香山寰宇春暉滿欣

歌既醉還

步甲

崔

大

年七
十四

旭華金掌麗芙蓉曉躡雲閣拜

九重白髮歡騰歌既醉春光

天上十分濃

列名羽隊班行末

錫宴彤廷禮數均信是太平多壽愷欣隨虎拜慶長春

二

步甲

趙起鳳

年七十四

萬彙慶春華千耆集

瑤殿

熙時重人瑞嘉禮洽芳宴既列瀛海臣亦廁星廬升矍
鑠卿士班期頤引羣彥俯幸管蒨微均被陽和扇
擎跪奉

恩榮長依五雲綯

步甲

吳

傑

年七
十四

詔許陪耆宴春風序始和

龍光依咫尺鶴髮喜婆娑共挹鈞韶鬯欣依藻被多歡

聲騰

玉陛抃舞醉顏酡

步甲

大三兒

年七十四

執戟隸兵簡垂白荷豢養廩粟給

天庾泉刀頒

內帑優游積歲年犬馬齒加長夙昔挽雕弧今茲

錫華杖春臺衆熙熙耆齡蒙

嘉賞歡欣捧

錫歸日麗黃金榜

步甲

林

福

年七十四

列衛班依仙陌初筵

寵錫瑤墀日邊預千叟席

天上捧萬年卮燕禮光有虞典醕歡陋兩漢儀六葉仙
莫數砌共欣堪堪春祺

步甲

徐

泰

年七十四

壽讌數晴旭

恩波被八紘方升徵泰運至健仰

乾行兩序仙班合三春景曜呈微齡同獻祝

億載慶昇平

步甲

福

兒

年七
十四

聖壽逾古稀一堂衍

五世維茲五十春積慶開綺歲光天化日舒南極星躔

麗鮐背黃髮臣皤皤三千計稽首沐

殊恩奎華捧

宸製願上

萬年歌嘉祥欣游至

步甲

范尚仁

年七十四

皤皤黃髮叟三千共沐

恩波飫綺筵慶覲

天顏春共霽璆珍鳩杖

賜耆年一

額首當筵捧壽觴

帝恩錫壽壽而昌韶春廿萬齡同席舒作晴穹景慶光

二

步甲

六

兒

年七
十四

泰壹開昌運耆筵啓孟春有壬瞻

懋典周甲荷

深仁旨矣笙簧盛綏之福祿申太平欣擊壤歌頌萬年

新

步甲

鄧

三

年七
十四

五雲宮闕啓雕筵

盛世純禧重引年
鵷序冠裳仙仗側
鳳城燈火上元前
韜鈴未隸趨班久
雨露濃膏

賜福駢玉饌分嘗
思獻頌無疆

聖壽祝同

天

步甲

宋

得

年七
十四

義佐金提主化俗建福而下職有六乘時各需才

與能不如微生坐飽太倉粟

軒皇列陳嫺虎蓋飾金枝樂桐鼓九州萬國來趨風
不如生太平時霑露涓粟飽太倉年復年碧霄滑
露開耆筵鶴髮鮐背同祝

聖人壽今朝

臣

侶地行仙

步甲

劉貴

年七十四

翠葉新香獻柏巵晨開

雙闕引龐眉歡騰四海承

恩日壽展三朋祝

聖時燕喜盛超千古牒韶光先上萬年枝鳩扶虎拜

臣

何幸預仰

垂裳坐受釐

步甲

李國良

年七十四

大撓作甲子天地滋數從茲始舜肇十二州熙熙

皞皞人歡遊古來年歲方可紀

臣逢

盛世越前軌日月光中奉

一人年年鼓腹歌長春春風

普錫耆齡宴益壽觴開瑞景新

步甲

談德祿

年七十四

五福堂開百福隆歡騰萬姓愜

宸衷鳳麟協化天符瑞草木呈華歲效豐燕衍徵歌春

浩浩

龍光錫慶日融融聯翩鶴髮三千叟都在

蓬萊紫氣中

步甲 寶

祥年七十四

霽日和風大地暄
筵開千叟會初元
榮叨文几霑芳澤
伍黍輕騶荷

渥恩

萬億千齡歌曼羨
上中下壽

錫便蕃黃鏐捧出歡
忱叶綠杖攜歸笑語溫
瑞露初分

延壽竿德星齊炳

太微垣顙愚亦曉三多祝敬向

堯階拜手言

步甲

朱

德

年七十四

喬雲鼉彩上觚棱

溫綉宣來寵宴承五福陳疇一曰壽九如肆雅日之升

堯階舜陞

恩光重昊歲義年

寶籙徵九陌誰何榮列卒慶霄

渥澤喜頻仍

步甲
臘
住
年七
十四

履端辰筮六

溫綈錫天闔燕以

示慈惠星方聚角亢蓼蕭歌有慶雲漢仰為章祥啟三

陽泰仙壺晝漏長

步甲
來
福
年七
十四

惟茲億兆臣庶不違咫尺

天威宴以黃髮台背

仁于米廩深衣衢尊斟酌元氣金銓幹運化機稽首
天子萬壽

帝命式于九圍

玉琯宣韶瑞靄融

辰居端拱播

皇風三霄雨露滋黃髮萬國冠裳仰紫宮

聖壽延洪瀛岳永仙韶宣豫鳳麟同露樽風簫叨

步甲

立

柱

年七
十四

恩渥共荷

生成大造功

步甲

六十五

年七十四

雍容千羽偃琯戈扶杖嬉遊值歲和咫尺

天顏新錫宴承

恩齊唱萬年歌

律轉條風

雨露新九州耄耄自同春環瞻

北闕趨三殿共仰南山祝

一人二

步甲隆

福年七
十四

閭闔晴暎晚霽

九重錫福筵開藹藹同登壽世熙熙如在春臺桃實三

千瑤島

宸居咫尺蓬萊

天子引年典重微齡

恩許榮陪

步甲
額和諾

年七
十四

瞳矐開曉色
璀璨列瓊筵
玉笋分仙醞
金爐藹瑞

煙卿雲

丹陛繞雅樂
絳霄傳飽德
羣情洽

皇圖鞏億年

步甲
祿得

年七
十四

海宇喜同春

天家雨露均

龍墀正月宴鶴髮萬方臣卿月舒光滿民星颺彩新
即如牛馬走亦與玫瑰茵飽粟瞻依久傾葵拜舞頻
微誠咸獻頌

聖壽洽鴻鈞

步甲

王

保

年七
十四

青陽淑氣藹新年

丹陛歡騰敞綺筵此日大酺霑湛露千官拜手舞

堯天一

鶴髮三千曉引班
欣看咫尺近

天顏雲衢都慶由
庚瑞瑤陛還容步
甲攀二

步甲楊德年七
十四

魚鑰千門啟

龍墀萬國朝瓊膏
仙露渥嘉膳玉厨
調獻壽衢成咏沾
恩巷有謠普天咸
抃蹈瑞靄滿雲霄

步甲雙得年七
十四

丹詔春溫自九霄三千耆叟

紫宸朝歲星獻瑞來臣朔昴宿呈祥獻

帝堯華陞傳宣趨國老金樽優渥徧羣僚欣偕瞻就高
呼洽寰宇和聲叶鳳韶

步甲

福

祿

年七十四

福衍箕疇錫庶民光天王燭朗

楓宸三千叟入耆英會斗柄初看月建寅一

風因列萃麗天街榮宴還教鶴髮偕黼黻昇平春

有象太和桐豫入新茲二

步甲

富伸保

年七十四

十行

丹詔下天閭
髦齒欣逢春日長
扈獵昔曾陪豹尾

賜酺今許荷

龍光崇釐衍
美欽

宸極珍賚駢
闡出

尚方鏐綺輝新筇杖健拜

恩齊頌泰符昌

步甲

常

泰

年七十四

重熙累洽普沐

元功億萬千界在春風中妍妍化日

照臨帡幪開耆叟宴三千來同九列衣冠覲

乾清宮兩行綺杖

陞之西東雲蒸霞蔚黼合藻從既桐以豫亦棣而通

仰惟

曠典列代未逢身親被之捧

賜龐鴻易地天交泰運以隆候三陽至泰時以豐臣名

常泰敬頌

天工

弓匠

五

保

年十九

聖世多耆耄

殊恩下九天太官供宿膳

春殿敞華筵紀侯符陽澤臚歡酌醴泉羣工俱尚
齒藝士忝隨肩

弓匠

張清明

年七十六

玉陛香傳曼倩桃弓人何幸沐

恩膏材宜合九歌交韞

治已登三咏載橐式燕初欣霑

御賜分糈舊許屬官曹嚮心久作傾葵想浩蕩春光

黼座高

弓匠 佛 倫 年七十六

累洽重熙民物恬引年共祝

萬籌添五材久荷

生成德甘醴還欣次第霑一

玉琯初調鬯棣通

九重介壽慶昭融遠徵燕禮虞庠盛幾見推

恩到百工二

弓匠 齊成額 年七十五

臣昔卅角已學為箕臣今耄耄巧者和之

天子神武合九成規誰能橋榦乃學沈絲坐縻廩祿更
沐

皇慈一張一弛敷政攸宜合乎

天道壽耆維祺

箭匠

喜

住

年八十四

弱趨豐遲一筇擎靈鼉桐鼓震

天聲

聖人神武乾符健竹箭逢春亦向榮一

八十餘年樂

帝衢每操蓬矢記懸弧何如虎拜叨榮日竊與添籌海

鶴俱二

鐵匠

王玉春

年八十

八十山陽鍛深慙老斲輪鑪錘歸百鍊鼓鑄仰

洪鈞

惠澤周微物

涵濡及

賤臣

春風披拂處頑鈍一時新

銅匠

姜亮

年七十五

萬物如金在冶化工鑄以陰陽鼓潤雷霆風雨郊
藪麒麟鳳凰築鳧空擅一枝愷燕欲賦三章千叟
嘉筵獻爵

萬年天子稱觴

鋁匠

劉五達塞

年七十四

九職昭

皇治

臣

徵具器良考工同築削銘

德獻金相尊記雲雷重漿凝雨露香耆筵欣既醉惟荷
聖恩長

鍍匠

二達塞

年七十四

優老華筵

舊典循

殊恩重與沛新綸籌添東海如升

日星炳南弧為拱

辰靈壽杖扶人是瑞長生酒引物皆春珍竒稠疊蒙

天賚薄技深慚

厚澤均

鍍匠

劉雅圖

年七十五

分職自慚良冶勸工亦荷

洪鈞金玉式我

王度文章假以陽春九牧貢珍三品

萬年恩命重申願鑄無量壽佛長依有道

聖人

畫匠

四

九

年七十八

丹雘曾聞眠梓材
編欄五色象昭回
生逢

久道文明畫獻技
先成

萬壽杯

非霧非煙布菌輪
松雲棟牖

萬年新微臣縱解圖魏煥
豈及天工景色真

油畫匠

常青

年七十八

雲護

紫宸殿風翔青瑣門畫屏春晝靜上日百花繁循典扶

筇杖依

光拜獸樽慚操油素侶祝

聖記方言

繡匠

保

住

年七十六

聖主宵衣五十年經綸乾惕履民天仰瞻黼黻尊

宸座又見星辰列綺筵具十二章虞作繪上千萬壽雅

如川

徵工

拜獻冠裳地綵勝先期待偃佺

匠役

四

住

年八十四

從來

壽寓廣大就瞻有喜

天顏執藝舊登官府程功匪近闐闐水地長年眡景

金門此日陪班為楨多是期美成裁欲儼倅般

匠役

吳國柱

年七十九

聖人建極福祿綏之春正吉日

敕宴彤墀兕觥介

壽甘醴如飴下逮臣庶榮沐

恩施居肆成事省試有期與居一焉春臺共熙願歌
萬壽引翼維祺

匠役

陳國柱

年七十三

大衍熙

皇祚春祺遍八埏玉衡迴麗景

金殿錫芳筵鶴髮趨承肅

龍光寵賚駢瓊卮浮湛露仙樂奏鈞天列忝英耆後工

慚物曲先捧觴欣拜祝

禔福萬斯年

匠役

二達子

年七十三

令節開筵荷

紫宸鸞班肅穆紀

恩新簫韶曲奏條風叶仙醴杯斟湛露均濟濟共依

仁壽宇熙熙真作太平人

小臣

願效華封祝執藝還欣擊

壤頻

匠役

辛

太

年七
十二

湛恩覃洽慶

昌期六宇熙春麗景遲

錫福重開千叟宴近

光齊獻

萬年卮賓寅暢戊調時序弧炳逢辰叶榦枝遂及冬官

咨世守不同絳老待羣推衣冠仰望

光華盛奔走深懷

雨露私扶杖

堯階欣拜

賜長依

黼座祝多祺

匠役

三達子

年七
十二

非材叨贊

尚方珍蒲柳姿慙歲月陳欣值

皇春開壽寓榮沾

錫福逮

微臣一

瑤尊露浥三霄渥

紫殿萸舒六葉新
鳩杖許攜身倍健
葵衷長祝

萬年春

二

苑丁德住

年七十六

春風迴陽和草木知
能壽植根近

上林膏露濃於酎

臣

質非松柏

臣

年過榆柳身作掃

花人心同灌園叟松雲生

堯階魚鹿樂

文園遙望南山高

萬年歌栲栳

苑丁

六十八

年七十三

晴開

太液波千頃珠樹琪花好風景我

皇樂事與民同

上苑春新日方永

苑中多植萬年枝
枝枝葉葉皆仙姿
昨宵湛露霏金掌
今日瓊漿介玉卮
九光之芝三秀草
恒春樹色蓬壺島

上林花發最先知
向陽自喜逢春早

國戶

吳天喜

年七十九

聖世

皇仁浹熙臺樂共登九州蒙

睿照萬物見祥徵甘露濡芝秀青霞向柏凝新春

恩廣布

上苑澤先承末役臣居賤聯班壽作朋瞻

天何所報惟頌

福川增

園戶

祁永

年七十七

聖謨洋溢仁風翔民誠物阜臚嘉祥龐眉鶴髮齊拜手

和聲

盛世鳴光昌羣臣酌醴分鱗次飫及嗇夫紀

慈惠欣看瑞應滿

神霄芝出銅池冀在砌蘿圖

寶祚方洪延伏惟

陛下壽萬年竹苞松茂歌秩秩載賡天保南山篇

國戶

李福兒

年七十六

青陽播淑歲華新藹藹耆筵荷

紫宸

曠典遭逢千載遇

熙朝沐浴百年人
蘿圖輯瑞輝東壁
景曜呈祥拱

北辰周雅漫誇魚藻詠

天家異數逮蒲輪

園戶

佟玉殿

年七十五

淑靄縈

雙闕春光啟上林
向榮瞻瑞木
馴舞觀仙禽
尚齒忘

身賤承

恩荷

德深

陽輝無不逮寸草比

臣心

國戶 拾

住

年七十五

暄麗春光浩蕩

恩遠占環海近

仙園蟠桃花發三千歲今數先開第一番

恩榮嘉宴洽

重熙既醉長歌湛露詩共喜來朝本人日早占人瑞太平

時二

國戶

二

格

年七
十二

萬年耆宴啟

皇庭韶景榮數六葉冀仙掌初凝珠斗露天心環聚老

人星花依

禁籞光常紫草近瑤林色易青况被引年叨

渥澤年年從此祝

堯齡

園戶陳明住

年七十二

詔寵三千叟人人慶合并仙醺斟沆瀣雅樂聽咸英時
紀春初麗天開日正明身依仙苑近花木盡數榮

獸醫

劉長壽

年七十七

我

皇懋敷錫

詔酺延耆老華筵敞韶春

湛恩媿

蒼昊廣樂諧鳳琯雅歌叶魚藻殊榮逮

微臣

依

光頌天保奉職周官微率舞虞廷早茂育際
昌辰胞與同至道請看擊壤歌熙臺春皞皞

廐丁

天

祐

年七十四

閭闔雲飛過玉臺流沙萬里驥呈材愛烏罕貢

天開選拔達山牽德產徠漢阜漫誇成樂府唐縑空自

費詩才

盛朝開佶陳輿衛

聖世蔽芻及草萊迴向長風仙仗立驅將斜日廣場回

兼年惠養綏耆耄一旦

恩光浹隸儻飽棧已同

臣

齒長效珍猶戴

帝圖來從今更識前途遠老向長楊策下駘

牧丁

穆隆阿

年八十二

須知萬物本同

仁芻豢

天家作牧人

明德謂其肥腴產豐年同此寢訛身開筵擬執于牢豕
占瑞欣逢在藪麟垂老未嫌廝養賤此身長為感
恩馴

牧丁

耿五格

年七十六

恬養

天恩共葺馴物性咸開樽欣手捧掌畜署頭銜仙露浮
輕笠和風扇薄衫醉歸占乃夢豐歲樂非凡

牧丁

來

住

年七十五

是月也以立春

天子乃綏耆耆宴臣民大宛之馬九真之麟昭靈德而沐

嘉惠莫不狎委而來臻

帝曰咨爾牧來思三百維羣九十其牝慶豐是育使之

碩大與蕃滋

臣職

司牧圉

臣

年七十五考牧

天閑萬萬古

臣

以馬齒率獸舞

牧丁

代

保

年七十一


北齊紀天保九百餘人盡耆老後逮趙宋年景德
五百祥符千史筆但傳耆耄兼不聞齒爵能兩全
我

朝盛典邁三古

聖祖垂光

皇纘武駕行鷺序殿西東華髮鬢影映珪組帝臺之漿九
期禾方壺圓鼎燦星羅試觀兩階成福舞願進東

廂上壽歌



欽定千叟宴詩卷三十三